

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին թիվ 1808882213 և 1808899865 որոշումներն անփոփոխ թողնելու, իսկ թիվ 1808882448 և 1808899870 որոշումները բեկանելու և վարչական վարույթները կարճելու մասին մասին

<<24>> 01 2019թ. 14-13-2458-19/17-13-257

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Գոռ Թումանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Արամի փողոցի 11/4 տան բնակիչ Գոռ Թումանյանը դիմումով խնդրել է բեկանել կանգառ կատարելու կանոնները խախտելու համար Ճանապարհային ոստիկանության կողմից կայացված վարչական տույժ նշանակելու մասին մասին թիվ 1808882213, 1808882448, 1808899865 և 1808899870 որոշումները՝ նշելով, որ նույն իրավախախտման համար կայացվել է տարբեր որոշումներ:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման՝ հետևյալ պատճառաբանությամբ.

26.11.2018թ.-ին կանգառ կատարելու կանոնները խախտելու համար Ճանապարհային ոստիկանության թիվ 1808882213, 1808882448 և 30.11.2018թ.-ի՝ թիվ 1808899865 և 1808899870 որոշումների հիմքերում դրված տեսանյութերը փաստում են, որ դիմումատուին պատկանող տրանսպորտային միջոցի վարորդը ենթարկվել է վարչական պատասխանատվության կանգառ կատարելու կանոնները խախտելու համար՝ երկու դեպքում էլ Երևան քաղաքի Սայաթ-Նովա - Տերյան փողոցների խաչմերուկի հատվածում, ինչը արձանագրվել է 26.11.2018թ.-ին ժամը՝ 13:03-ին, 30.11.2018թ.-ին, ժամը՝ 13:21-ին և Սայաթ-Նովա - Աբովյան փողոցների խաչմերուկում՝ 26.11.2018թ.-ին, ժամը՝ 13:21-ին, 30.11.2018թ.-ին, ժամը՝ 13:22-ին:

<<Վարչարարության հիմունքների և վարչական վարույթի մասին>> օրենքի 43-րդ հոդվածի 1-ին մասի <<Բ>> կետի համաձայն՝ անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Նկատի ունենալով, որ նշված վայրում կանգառ կատարելու համար դիմումատուն Ճանապարհային ոստիկանության թիվ 1808882213 և 1808899865 որոշումներով արդեն իսկ ենթարկվել է վարչական պատասխանատվության և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808882448 և 1808899870 որոշումները բեկանել և վարչական իրավախախտումների վերաբերյալ գործերի վարույթները կարճել:
2. Ճանապարհային ոստիկանության վարչական տույժ նշանակելու մասին թիվ 1808882213 և 1808899865 որոշումները թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Գոռ Թումանյանին և TumanyanGor@mail.ru էլեկտրոնային փոստի հասցեյին:



Ն.Սարգսյան